

# 何炳松 · 胡樸安 · 周爾璧

周邦道

## 當代教育先進傳之八

### 何炳松 (1890-1946)

何炳松，字柏臣，又字柏丞，浙江金華人。

清光緒十六年庚寅九月初五日生。十五入邑庠。民國元年，浙江高等學堂畢業，以公費留學美國。先入威斯康辛大學，尋入普林頓研究所，專攻史學，獲碩士學位。五年歸國，任浙江省政府秘書兼省視學。翌年，任國立北京大學預科講師，後任歷史系教授，及國立北京高等師範學校英語科教授、史地系主任等職。

十一年九月，繼馬叙倫出長浙江省立第一師範學校。翌年三月，師生二百餘人，飯後中毒。死亡學生二十二二人，校役二人，查係校役錢阿利等以砒霜下毒。雖錢等已處極刑，炳松罹此巨變，身心交瘁，仍自請處分離校。十三年，任商務印書館編輯，旋升為史地部主任，兼上海新成立之光華、大夏、國民等大學教授。十八年起，又兼商務館附設東方圖書館總編輯及副館長，曾主編中國文學叢書。此外，嘗與劉秉麟合編社會科

學小叢書，與姜琦、李石岑等同任教育大辭書特約編輯。

二十三年起，任商務館副經理及編輯所副所長。創刊於宣統元年之教育雜誌，一、二八事變後復刊，負主編責。二十四年元月，與王新命、章益、陳高備、陶希聖、孫寒冰、薩孟武、樊仲雲、黃文山、武增幹等十教授發表「中國本位的文化建設宣言」，提倡中國本位文化運動。六月，繼沈鵬飛，出任國立暨南大學校長。抗戰軍興，暨大校區淪陷，即在租界上課，艱苦撐持，師生感奮。三十年秋，於福建建陽設置分校，部署南遷，險阻備嘗。三十五年六月復員上海，由李壽雍接長，而奉調繼任周為國立英士大學校長。以疲茶過甚，七月二十五日病逝春申，年五十七。生平著作，以史學為多。計有：中古歐洲史、近世歐洲史、歷史研究法、通史新義、浙東學派溯源、秦始皇帝。譯著者有：美國教育制度、新史學、歷史教學法。又與郭斌佳合譯西洋史學史、與孫俛工合編師範及高中中國文課本等書。

### 胡樸安 (1878-1947)

(本秦賢次：何炳松小傳)

胡樸安，名韞玉，字仲民，又字頌民，號樸庵，晚以樸安行，安徽涇縣人。清光緒四年戊寅某月日生。清附生。家貧，嘗務農習商，業餘輒奮厲勉學，潛心經史，精文字學。初在滬參加同盟會，任南社及國粹學報編輯。鼎革，服務於上海民主報、太平洋報、中華民報、兼任中國公學、復旦公學等校教授。民國五年，任交通部秘書，嗣為福建省巡閱使署秘書兼教育科長，省立圖書館館長。回滬，任京滬、及滬杭甬兩鐵路管理局編查課長，兼國民大學、持志大學國學系主任。以淵博精深，飲譽於時。

十九年，南社知交葉楚傖，膺江蘇省政府主席，邀任委員兼民政廳長，以不慣政治生涯，越二年辭職，仍彈力於教育及新聞事業。葉另創民報，則為社長。七七軍興，蟄居滬上，先後任正風文學院教務長，新中國學院文學院長、上海女

子大學等校教授。正風院長王蘊章、西神，亦南社同志也。二十八年四月，突患腦充血，息影課述。勝利以還，嘗長上海通志館，改組為文獻委員會，復任主任委員。三十六年，以肝癌症，醫藥罔效，七月九日，竟溘逝，年適屆古稀。

樸安固南社中堅，弟懷琛、寄塵、姪惠生，均隸南社，稱一門風雅。平居布衣蔬食，淡泊自甘，晚年醉心內典，詩文亦多含禪意。述造等身，計有：周易古史觀、莊子章義、儒道墨學說、中庸新解、校讎學、墨子解詁、俗語典、周秦諸子學略、離騷補釋、涇縣方言考、六書學、荀子學說、中華全國風俗志、文字學研究法、中國文字學史、中國訓詁學史、詩經學、樸學齋叢刊、樸學齋讀書記、樸學齋詩文集、及與懷琛合著之唐代文學等書行世。

(本秦賢次：胡樸安小傳，及日人儒川時雄：「中國文化界人物總鑑」)

### 周爾璧 ( ? - 1916 )

周爾璧，字繼白，江西新淦人。世居沂上村。早歲蜚聲聲序，受知於錢塘吳綱齋學使，舉光緒二十八年壬寅優貢。會京師大學堂創立，詔各省選送學生入學肄業，綱齋拔士之秀者數人貢之，爾璧遂與周蔚生、盧銘鼎等俱焉。

既畢業，任江西初級師範學堂學監，堂長陶福同、劉鳳起，先後倚畀特重；事無大小，悉以諮之。爾璧治事勤，與人肫摯，凡所措施，無不當，故一時校風稱良。既而當適合初級師範於優級師範，仍以爾璧為學監。辛亥光復後，改辦高

等師範學校，即以爾璧為校長。是時各省高等專門學校，成立不多，有議應停止者，有議應縮減經費者，勢幾危。爾璧排除萬難，始終不懈，竟使學校平流靜進，諸生獲成就，垂卒業。教部派員，蒞校視察，核成績，悉能中程。微爾璧之毅力以持之，不及此。課餘嘗詔諸生曰：「困難者，成功之左券；愉快者，勞苦之反應；古今大教育家，所以不屈不撓，困頓不悔，愈蹉跌而愈有精神者，恃此公例而已。師範為負教育責任之中堅人物，如人人有責任心，鏗而勿舍，必有達到期望之一日！」此實爾璧歷經親驗之言，復殷殷以之勗諸弟子。故弟子之服務教育界者，類能奮發淬厲，為時所稱，實得力於爾璧之教也。

爾璧董校事，最專且謹，昕夕寒暑，罔不在校。學生之品性學業，一一心識之，觸事發懲，勤勉怠奮。以故數年之中，感化者深，校風翕然。居常默坐沈思，究心吾國教育，應採何種制度，以及教育行政一切計畫，與盧銘鼎合成書一卷，都十萬言。於民國改元教育部召集全國教育會議之際上之，并刊印專冊，徧贈同人，以供參考。當道嘉勉之，惜不能盡行耳。

爾璧畢生精力，盡瘁於高師，故說者謂：江西之有高師，以爾璧始，亦以爾璧終。民國五年，高師停辦，改派爾璧籌設省立第五師範學校，以清江章山書院即臨江中學堂舊址為校舍。將高師圖書儀器校具，悉行遷運，滄暑僕僕，備極辛勞。而章山榛蕪頽廢，蟲蟻叢聚。招考首班學生劉家樹等五十餘人，開學未久，即嬰惡性瘧疾，高熱突發，五日不汗。是歲八月某日，竟溘然長逝

，年甫逾知命，齋志以終，士林愴惜！子國英，女三。周氏族祖虛白，為明代名儒，字曰繼白，蓋義取雙關，而隱寓景慕繼承之意云。

(本周蔚生：周爾璧傳略，劉家樹：周繼白校長史料。)

## 民初三湘人物

(原名新湘軍志)

胡耐安教授著  
定價台幣25元

### 革命湘軍掌故軼事

上起譚老總。下逮曹廚子。  
全書分為十二個段落。

- (一) 新湘軍志概述
- (二) 總司令譚延闓
- (三) 一軍軍長宋鶴庚
- (四) 二軍軍長魯滌平
- (五) 三軍軍長謝國光
- (六) 四軍軍長吳劍學
- (七) 五軍軍長陳嘉祐
- (八) 六軍軍長陳鈺猷(附：陳渠珍唐榮陽)
- (九) 九師師長張輝瓚
- (十) 連籌幃幟呂苾簪
- (十一) 秘書人才楊綽仲
- (十二) 新湘軍志書後

關心革命史事的人尤其湖南朋友。都該值得一讀。